

## 開放文學 – 歷代筆記 – 世說新語 汰侈第三

1 石崇每宴客燕集，常令美人行酒；客飲酒不盡者，使黃門交斬美人。王丞相與大將軍嘗共詣崇。丞相素不能飲，輒自勉強，至於沈醉。每至大將軍，固不飲，以觀其變。已斬三人，顏色如故，尚不肯飲。丞相讓之。大將軍曰：「自殺伊家人，何預卿事！」

2 石崇廁，常有餘婢侍列，皆麗服藻飾。置甲煎粉、沈香汁之屬，無不畢備；又與新衣著令出，客多羞不能如廁。王大將軍往，脫故衣，著新衣，神色傲然。群婢相謂曰：「此客必能作賊！」

3 武帝嘗降王武子家，武子供饌，並用琉璃器；婢子百餘人，皆綾羅袴襪，以手擎飲食。悉狔肥美，異於常味。帝怪而問之。答曰：「以人乳飲狔。」帝甚不平，食未畢，便去。王、石所未知作。

4 王君夫以糶補澳釜，石季倫用蠟燭作炊。君夫作紫絲布步障碧綾裡四里，石崇作錦步障五里以敵之。石以椒為泥泥屋，王以赤石脂泥壁。

5 石崇為客作豆粥，咄嗟便辦；恒冬天得非萍齏。又牛形狀氣力不勝王愷牛，而與愷出遊，極晚發，爭入洛城，崇牛數步後，迅若飛禽，愷牛絕走不能及；愷每以此三事搯腕。乃密貨崇帳下都督及御車人，問所以。都督曰：「豆至難煮，唯豫作熟末，客至，作白粥以投之。非萍齏是搗非根，雜以麥苗爾。」復問馭人牛所以駛。馭人云：「牛本不遲，良由馭者逐之不及而反制之；急時聽偏轆，則駛矣。」愷悉從之，遂爭長。石崇後聞，皆殺告者。

6 王君夫有牛名「八百里駁」，常瑩其蹄角。王武子語君夫：「我射不如卿，今指賭卿牛，以千萬對之。」君夫既恃手快，且調駿物無有殺理，便相然可，令武子先射。武子一起便破的；卻據胡牀，叱左右：「速探牛心來！」須臾，炙至，一饜便去。

7 王君夫嘗責一人無服餘帛，因直內，著曲閣重閣裡，不聽人將出；遂饑經日，迷不知何處去。後因緣相為垂死，乃得出。

8 石崇與王愷爭豪，並窮綺麗，以飾輿服。武帝，愷之甥也，每助愷。嘗以一珊瑚樹高二尺許賜愷。枝柯扶疏，世罕其比。愷以示崇；崇視訖，以鐵如意擊之，應手而碎。愷既惋惜，又以為疾己之寶，聲色方厲。崇曰：「不足恨，今還卿。」乃命左右悉取珊瑚樹，有三尺、四尺，條幹絕俗，光彩溢目者六七枚；如愷許比者甚眾。愷惘然自失。

9 王武子被責，移第北邙下。於時人多地貴，濟好馬射，買地作埽，編錢布地竟埽。時人號曰：「金溝」。

10 石崇嘗與王敦入太學，見顏、原象，而歎曰：「若與同升孔堂，去人何必有間！」王曰：「不知餘人云何？子貢去卿差近。」石正色云：「士當令身名俱泰，何至以甕牖語人！」

11 彭城王有快牛，至愛惜之；王太尉與射，賭得之。彭城王曰：「君欲自乘，則不論；若欲啖者，當以二肥者代之。既不廢啖，又存所愛。」王遂殺啖。

12 王右軍少時，在周侯末坐；割牛心啖之，於此改觀。